

Uunga

allannguutissatut siunnersuut

**Aalisarnermik piniarnermillu inuussutissarsiutillit inuussutissarsiornerannik
siuarsaaneq pillugu Inatsisartut inatsisissaattut nr. x, yy-imeersussatut siunnersuut**

Pingajussaaneerpeqarnerani Naalakkersuisunit saqqummiunneqartoq.

§ 20 -imut

1. § 20, imm. 2, imatut oqaasertaqartinneqassaaq:

”Imm. 2. Imm. 1 tunngavigalugu isumakkeerinninnerup kingunerissavaa taarsigassarsisimasup aalisakkanut pisassiisarnikkut aqunneqartunut aalisarneq ataavartumik taamaatissallugu.”

Siunnersuummut oqaaseqaatit

Oqaaseqaatit nalinginnaasut

Allannguutissatut siunnersuut Aalisarnermut-, Piniarnermut- Nunalerinermullu Ataatsimiititaliap amerlanerussuteqartuisa aappassaaneerpeqarneranut isumaliutissiisummi inassuteqaataannut akuersissutaavoq.

Allannguutissatut siunnersuummi erseqqissarneqarpoq § 20, imm. 1 malillugu inuussutissarsiutit siuarsarniarlugit taarsigassarsianik tamakkiisumik akiitsunik isumakkeerfigineqarsinnaaneq, taarsigassarsisimasup aalisakkanut pisassiisarnikkut aqunneqanngitsunut aalisarsinnaanerata akornuserneqannginnissaa. § 20, imm. 1 malillugu inuussutissarsiutit siuarsarniarlugit taarsigassarsianik tamakkiisumik isumakkeerfigineqarsinnaanerup taamaallaat kingunerissavaa taarsigassarsisup aalisakkanut pisassiisarnikkut aqunneqartunut aalisarneq ataavartumik taamaatissallugu.

Aalajangersakkanut ataasiakkaanut oqaaseqaatit

Nr. 1-imut

Inuussutissarsiummit taamaatitsinissamik piunasaqarnerup siunertaraa taarsigassarsisup taarsigassarsianik nutaanik qinnuteqaqqinnginnissaa. Aaqquussinermut naleqqutinngitsunik atuilersinnaanermik kinguneqarsinnaammat. Taamaattoq taarsigassarsisup piniarsinnaanermut allagartani atorlugu aalisakkanik pisassiisarnikkut aqunneqanngitsunik tunisisinnaanera akuerineqarpoq.

Pineqartup inuussutissarsiummit taamaatitsinissaanik piunasaqaateqarneq 60-inik ukioqalereersimanissamik piunasaqaammut atavortaaq.